

住淨法如是等者名為十二明王寶樹我從常樂光明世界為汝等故持至於此欲以此樹栽於汝等清淨眾中汝等上相善慧男女當須各自於清淨心栽植此樹今使增長猶如上好無砂鹵地種一收萬如是展轉至无量數汝等今者若欲成就元上大明清淨菓者皆當莊嚴如是寶樹今得具足何以故汝等善子依此樹菓得離四難及諸有身出離生死究竟常勝至安樂處今時會中諸慕闍等聞說是經歡喜踴躍歎未曾有諸天善神有導元導及諸國主羣臣士女四部之眾无量无數聞是經已皆大歡喜悉能發起无上道心猶如卉木值遇陽春無不滋茂敷花結果得成熟唯除敗根不能滋長

時慕闍等頂禮明使長跪叉手作如是言唯有大聖三界蜀尊普是眾生慈悲父母亦是三界大引道師亦是含靈大醫療主